



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აფხაზეთის ენის, ლიტერატურისა და ისტორიის ინსტიტუტი

აფხაზეთის ენის, ლიტერატურისა და ისტორიის ინსტიტუტი, აფხაზეთის მეცნიერებათა აკადემიისა, დ. გულიას სახელობისა. დაარსდა 1920 სოხუმში. არის მემკვიდრე 1925 შექმნილი აფხაზური ენისა და ლიტ-რის აკადემიისა, რ-საც 1930 ეწოდა აფხ. ენისა და ლიტ-რის სამეცნ.-კვლ. ინ-ტი, ხოლო 1931 აფხ. სამეცნ. საზ-ბის მიერთების შემდეგ, აფხაზეთის მხარეთმცოდნეობის სამეცნ.-კვლევითი ინ-ტი ეწოდა. შემდეგ ინ-ტს სტატუსი და დასახელება რამდენიმეჯერ შეეცვალა (1935 – აფხ. კულტურის ინ-ტი, 1939 – აფხ. აკად. ნ. მარის სახ. ენისა და ისტორიის სამეცნ. კვლევითი ინ-ტი, 1950-იდან აფხ. აკად. ნ. მარის სახ. ენის, ლიტ-რისა და ისტორიის ინ-ტი, ხოლო 1960-იდან 1994-მდე აფხ. დ. გულიას სახ. ენის, ლიტ-რისა და ისტორიის ინ-ტი.) 1994-იდან ინ-ტს აფხ. ენაზე ეწოდა დ. გულიას სახ. აფხაზმცოდნეობის ინ-ტი, ოფიციალურ რუსულ დასახელებად კი – დ. გულიას სახ. ჰუმანიტარული კვლევების ინ-ტი (Институт гуманитарных исследований). 1941-იდან ინ-ტი შედიოდა საქართვ. მეცნ. აკად. სისტემაში, ხოლო 1993 წ. 13 დეკემბრიდან შევიდა ახალდაარსებული აფხ. მეცნ. აკადემიის შემადგენლობაში.

1991 ინ-ტში იყო 8 სამეცნ. განყ-ბა: ენის, ლექსიკოლოგიის, ლიტ-რისა და ფოლკლორის, ისტ., არქეოლ., ეთნოგრ., ხელოვნ., ეკონ. ინ-ტი აფხ., ქართ., და რუს. ენებზე გამოსცემდა ბეჭდვით ორგანო „მაცნეს“ (1972-მდე „შრომები“), დღესდღეობით კი გამოსცემს შრომების კრებულს „Абхазоведение“.

1994 წლიდან - აფხაზეთის მეცნიერებათა აკადემიის დ.გულიას სახელობის აფხაზეთის ჰუმანიტარული კვლევების ინსტიტუტი.

